



Sesida dals

31 d'avust 2021

Communitgà ils

2 da settember

Protocol nr.

790/2021

Dumonda Caviezel (Cuir)

concernent l'auta quota da vaccinaziun respectivamain l'ambiziun da daventar
«champion svizzer da vaccinaziun»

Resposta da la Regenza

Tar la dumonda 1: En la gruppa da vegliadetgna 12 fin 19 onns èn vaccinads cumplettamain 18 % da las personas, en la gruppa da vegliadetgna 20 fin 29 onns 43 % en la gruppa da vegliadetgna 30 fin 39 onns 50 %. Tranter 60 e 79 % da las personas èn vaccinadas cumplettamain en las classas da vegliadetgna da 40 fin 69 onns. Tar las personas sur 70 onns èn bundant 90 % vaccinadas cumplettamain. En quai che concerna las regions stoi vegnir constatà che la populaziun en las regions ruralas è anc vaccinada sut la media.

Tar la dumonda 2: La campagna da vaccinaziun è vegnida e vegn adattada permanentamain a las pretensiuns actualas da las recumandaziuns da vaccinar da la Confederaziun. La finamira è quella, da pussibilitar in access uschè simpel sco pussaivel a la vaccinaziun. Grazia a las experientschas positivas cun las purschidas walk-in duain talas vegnir offridas en tut las regions dal chantun. Dapi ils 23 d'avust 2021 circulescha – en las regions – il bus da vaccinaziun ch'è vegnì lantschà en collavuraziun cun AutoDaPosta Grischun. En il bus da vaccinaziun vegnan purschidas gratuitamain e senza preannunzia cussegliaziuns da vaccinaziun e vaccinaziuns cunter il coronavirus. Quai en spezial en quellas regions che n'èn betg en vischinanza directa d'in center da vaccinaziun. Grazia ad in team da vaccinaziun mobil vegn purschida a manaschis ed a scolars ultra da quai la pussaivladad da sa laschar vaccinar al lieu, premess ch'in dumber sufficient da personas che vulan sa

laschar vaccinar è avant maun. La finala duain er las persunas che appartegnan a gruppas marginalas vegnir cuntanschidas pli bain per las porscher la vaccinaziun.

Tar la dumonda 3: Schebain che la situaziun na po betg vegnir cumparegliada cun ils tests dal coronavirus (cundiziuns e coordinaziun da la Confederaziun per ir enturn cun il vaccin), persequitescha la Regenza la finamira da cuntanscher – cun mesiras creativas – las persunas ch'èn anc indecisas e da las motivar da sa laschar vaccinar. Sco explitgà tar la dumonda 2 è gia vegnì preni in grond dumber da differentas mesiras per augmentar la quota da las persunas vaccinas. Metodas basadas scientificamain per evaluar talas metodas n'existan dentant betg. Anzi, questas mesiras sa basan sin las experientschas da las emnas passadas e sin ils basegns annunziads da manaschis e da scolars.



En num da la Regenza

Il president:

Dr. Mario Cavigelli

Il cancellier:

Daniel Spadin